



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

X. Die Markgrafen Johann, Otto und Conrad bestätigen dem Kloster Mariensee die von ihrem Vater Johann und dessen Bruder Otto gemachten Zuwendungen und fügen noch das Dorf Parstein und verschiedenes ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

quam valeat fopiri, nullius secularis potestatis, nisi sepe dicti nobilis ac heredum suorum primo ammiculum requiramus, Sic tamen ut nostro Juri ex hoc nullum preiudicium generetur. Vt igitur donatio simul et exceptionis conditio sepe repetiti militis, domini Johannis, apud nos jugiter vigeat ac perseveret, presentem litteram appensione Sigilli nostri nec non et sui Roborauimus, Ad maiorem firmitatem nomina testium subnotantes, Que sunt Johannes prepositus in Stolp, Albero, Marscalcus ac frater suus Johannes de Brunchof, Johannes, Aduocatus, Conradus Cleist, milites, Henricus de bellingen, Conradus de Lyderstorp, Conradus de Serwitz, famuli, Et alii quam plures. Acta sunt hec Anno domini millesimo ducentesimo LX primo.

Nach dem Original des Königl. Geh. Staats-Archives.

Anmerkung. Die Lücke für die Angabe des dritten der Gebrüder von Greifenberg ist im Original unangefüllt geblieben. Auch ist dasselbe, neben dem Siegel des Abtes, nur von zwei Brüdern, mit dem einen Hirschkopf mit hohem Geweih darstellenden Siegel der von Greifenberg unterseigelt, und von diesen Siegeln eignet die noch lesbare Legende das erstere dem Johann von Greifenberg zu. Auf der Rückseite trägt die Urkunde die alte mönchische Inschrift: Privilegium de hospitali in greifenbergha translato in choryn et de addicione molendinorum.

X. Die Markgrafen Johann, Otto und Conrad bestätigen dem Kloster Mariensee die von ihrem Vater Johann und dessen Bruder Otto gemachten Zuwendungen und fügen noch das Dorf Parstein und verschiedenes Andere hinzu, am 2. Februar 1267.

In nomine sancte et individue Trinitatis. Johannes, Otto et Conradus, dei gratia Brandenburgenses Marchiones, omnibus in perpetuum. Licet omnis actio que rationi innititur et titulis iustitie insignitur perpetue validitatis robore sit firmanda, ea tamen potissime, que in sui natura nichil continet terrenorum ymmo specialiter deputata est usibus Jhesu Cristi, hoc est in ministerium in sancte religionis proposito famulantium Jhesu Cristo, principali nostra auctoritate ratam et rationabilem esse decet, et sicut iuste et debite concepta fuerit atque facta, sic sit decenter et utiliter ad evitandam contradictionem in posterum scriptis autenticis confirmanda. Sane dilectus nobis in Cristo frater Bernardus, Abbas, et Collegium novelle plantationis Stagni sancte Marie virginis a nobis postulatione humili petierunt, ut privilegium possessionum suarum, ab illustribus principibus domino patre nostro Johanne inclite memorie et Ottone, patruo nostro, Marchionibus Brandenburgensibus, monasterio suo datum, roborare nostre confirmationis ammiculo dignaremur et est ipsius privilegii talis tenor (Urkunde No. V.). Considerata igitur pia petitione domini Abbatis et collegii supradicti nec non donatione magnifica principum predictorum, ut liberalitas, quam adinuenit deuotio, et donatio, quam sinceritas adimpleuit, Deo ibidem famulantibus fiat quoque ad temporale subsidium fructuosa, ita ut temporalibus adjuti subsidiis ad eterna intendant facilius et aspirent, donationes inscriptas memorato privilegio, sicut pie et iuste facte sunt, dicto collegio ex intima cordis nostri deuotione et mera liberalitate animi confirmamus. Dantes insuper predicto collegio pro dicti Domini et patris nostri anima ac pro omnium predecessorum nostrorum requie, quorum memoriam fieri volumus frequentius apud collegium dictorum fratrum, nec non pro nostra salute et anime nostre remedio speciali villam Parsten cum omni juris et libertatis integritate cum distinctionibus terminis usque ad hec tempora habitis, cum omnibus utilitatibus ex ipsa villa proue-

nientibus proprietatis titulo perpetuo possidendam, confirmantes nichilominus eisdem agros villarum de Lipa cum his terminis. Cumulum lapidum et terre circa tres ramos quercinos intra Plawe et allodium Domini Boz et villam Lipa. Deinde per directum ad quercum signatam in acuto monte. Idem mons dimidius ad villam Lipa pertinebit et claustrum partem alteram retinebit. Inde per directum ad pinum duplicem signatam in decliui montis. Exinde ad quercum signatam in monte lapidis. Inde per directum trans viam Bizdal ad pinum altam signatam prope paludem cum silua adjacente, que dimidia ad ecclesiam pertinebit. Hij termini demonstrati sunt iubente domino Marchione beate memorie ab his quorum nomina subsecuntur: Dominus Bernardus, Abbas claustri ejusdem, frater Stephanus, frater Johannes, frater Johannes conuersus, dominus Conradus Clift, Johannes de Brunkowe, Henricus, aduocatus de Stolp, et alii quam plures. Curiam insuper domini Boz cum agris et terminis ad ipsam pertinentibus. Item omnia pomeria et ortos, qui jacent in sinistra parte vie, que ducit de noua villa in Oderberg. Item duo molendina in Jordanedorp, supra Wilfnam, que dominus Johannes de Grifenberch contulit cenobio memorato. Item duo molendina domini Burchardi et Hinrici de Buccholt, que sita sunt juxta villam Wilfowe et unum quod fuit Johannis de Rogofene. Item duo molendina superiora in Sarnowe, que contulit dominus Henricus plebanus ejusdem loci. Item XXXII modios filiginis in molendino Vinauie inferioris. Item quinque choros filiginis in Grimme, quos contulit dominus Henricus de Stegeliz. Item XXX solidos censuales in Prinzlauia, quos Henricus de Stagno et XVI solidos, quos dedit dominus Hinricus de Sorluppe, et cetera bona a nostris fidelibus dicto collegio pietatis intuitu collata similiter confirmamus. Vt igitur hec nostra presens confirmatio dicto collegio stabilis in perpetuum perseueret, presentem paginam conscribi fecimus et sigillorum nostrorum munimine roborari, adhibitis testibus ydoneis quorum nomina sunt hec, dominus Bernardus, abbas ejusdem loci, R. prior ibidem, dominus Johannes, prepositus de Stolp, dominus Albero, Marscalcus, dominus Anselmus de Blankenburch, dominus Bertramus de Beniz, dominus Georius, Dapifer, et alii quam plures. Datum in Stolp, per manum domini Heidenrici, nostre curie notarii, anno Domini M^o. CC^o. LXVII^o. indictione V, Epacta XXIII, Concurrente V. quarto Nonas Februarii.

Aus dem nach dem Original des K. Geh. Staatsarchives berichtigten Abdrucke in Gerdens Cod. II, 400.

XI. Die Markgrafen Johann, Otto und Conrad legen dem von ihrem Vater in Palitz gegründeten Kloster Mariensee die Pfarre zu Oderberg und das Patronatrecht über dieselbe bei, am 16. April 1267.

In nomine sancte et Individue Trinitatis. Johannes, Otto et Conradus, dei gracia Brandenburgenses Marchiones, Omnibus in perpetuum. Vt quod rite agitur, iuste ad populos referatur, cristi fidelibus vniuersis tam presentibus quam futuris volumus notum esse, quod nos ob Reuerentiam nominis ihesu cristi ac gloriosissime matris ejus, fratrum monasterii stagni sancte Marie virginis in loco, qui palitz dicitur, a domino et patre nostro felicitis memorie de nouo fundati, commoditatibus ac utilitatibus intendentes sollicitudine prouida ac deuota, ipsis et eorundem successoribus contulimus parrochiam in Oderberch cum omnibus attinentiis et appendiciis eius-